

建寧縣志卷之八

知縣潞水韓琮纂

古蹟

滄桑迭變岼谷頻移歲往月來恒曠世而相感人
非物是亦撫景以興懷則有剩壑殘邱故是璇淵
碧樹荒煙野蔓疑爲黼帳華扁芳菊有情尙溯羅
含之宅白蘋無主仍呼柳惲之汀緬遺愛兮裴回
石沈峴首懷徃賢兮寂歷水咽山陰至於榮期綺
季之儔名山不朽慧遠維摩之後古刹長留凡茲
嘆逝維今疇弗追踪自昔若夫斜陽有恨斷碣無

建寧縣志

卷之八

古蹟

一

文賈刺史之碑既生金粟衛將軍之墓方沒石麟
伊一坏之斯存庶九原其可作捃今撫古庸可缺
諸探蹟搜竒繫惟仰止志古蹟

古濰陽驛治 在城中鐘樓之左今西門濰驛坊是
也

古綏城縣 鳳山之東濰江之北去今縣治西南三
里唐爲綏城縣乾封二年分爲黃連鎮南唐中興
三年陞爲縣遷治今所

按舊志稱乾符二年爲黃連鎮攷寰宇志九域志
皆云乾封二年析綏城縣地爲歸化黃連二鎮乾

封至乾符相去共二百零四年舊志誤今按寰宇志九域志改定

永安鎮 舊志云乾符五年邑人陳巖禦黃巢有功奏改鎮爲義寧軍置治永安即今里心

案五代史王延政以建州建國僭號殷紀元天德南唐保大四年兵圍建州拔其地遷延政之族于金陵改建州爲永安軍即建寧府尋改忠義軍據此則謂永安即里心者不知何據

巢隔 在將屯保唐末陳巖率民兵禦黃巢於此巢兵隔絕不能進故名

建寧縣志

卷之八

古蹟

二

羅漢寨 在縣治舊北門宋乾道四年張俊奏移汀州右翼屯戍於此以禦何白旗之亂

將屯寨 在縣東南將屯保宋鎮將謝望駐兵於此古戰營 一在赤下保軍口 一在饒村保水西 一在縣治東東山下遇有兵亂於此爲營

古社學地 在鐘樓之右中祀楊龜山李延平兩先生久廢

陳巖宅 在縣治東南百餘步梁開平中改爲廣福寺宋改爲城隍廟

陳巖享堂 其廢已久明洪武二十三年令蕭道昭

改建五顯廟正德五年寇燬令周必復改爲濉溪
書院嘉靖末神顯應坊民買基於縣署之右另建
五顯廟萬歷十年張江陵當國查革天下書院爲
公所後歸邑紳徐大紳

謝彥斌宅 在饒村保龍歸潭畔

天仙岩 慶豐門外大嶺之巔跨縣治來脉其頂平
坦可以眺望岩下舊構精舍爲積善堂八景中川

岩仙燈是也今止存故址

里人余夢呂詩峭壁張
紅炬仙巖入畫圖一珠

懸法界長夜照迷途眞境非明滅煙
中乍有無何當稱絕勝霽月與同孤

石筍 鳳山之麓二枝對峙勢若凌霄相傳爲霹靂

建寧縣志

卷之八 古蹟

三

所斷今尙高可七八尺旁溢一泉滙而爲井名玉
泉甘冽爲邑中第一

印石 濉溪上流有語石精舍下瞰深潭潭浮一石
端方如印隨漲高下不沉不涸好事者每載酒其
上或對月嘯歌或臨流觴詠八景中所謂印石浮
波今其石載沉猶隱隱可見

里人余茂先詩長流
臨別館可是水雲鄉

野澗風來冷潭空月印涼苔深簾影綠竹
密酒杯香醉卧漁磯石斜陽樂未央

何園 溯印石而上二里許瀕溪爲園園廣十餘畝
植梅數百本爲何氏世宅每花放時香雪繽紛蘸
波亞岼遊人不絕爲春賞之勝今屢易其主人非

一姓頽垣廢址花亦稍減色焉東里人盡謝放晉枝沿終近
數射峯影頭垂姿並香風不用邨裏夢還花氣偏來教遠蠟却履移
姑射峯頭垂姿並香風不用邨裏夢還花氣偏來教遠蠟却履移
山蜂處狎士知許孤

吳園 澗水下流屈折迴旋黃洲夾居中央地廣數

百畝中有塢名吳園種桃千百株花盛時彷彿武

陵深處邑人陳恂詩春到桃林也自花紅光一抹

斜香墮酒杯凝曉影搖歌扇閃晴霞
婷婷似笑遊人面不識風塵老歲華

雲谷 桃峯之麓爲洋背墩雲谷踞其南畔宋侍郎

俞豐之別業也舊有怡雲來薰浮香舒嘯諸亭今

俱不存谷外平疇廣衍綠水環流古稱洋背春煙

建寧縣志

卷之八

古蹟

四

爲八景之一邑令何孟倫詩修隴長阡亘東郭荒

依遲日分林薄古渡長閑野水邊幾家鷄犬夕陽
前女兒相逐竹溪去笑折金櫻汲晚泉○郡司農

柳文標詩一淡橫原遍綠有烟籠大幕麗城區平
鋪霧縠濃還望郊遠雲鬢乍無籬舍霏微春色

藹亭臺縹緲水痕孤四垂寥
廓欣行部引我恬情入畫圖

平山 在縣治之東山形如龜每賓興之歲邑人驗

墜石多寡爲科名之兆

米洲 在俞家潭東邑人以沙之漲否占米價之貴

賤

館前洲 二水夾流狀如遊魚先是沙高水落竹木

叢生居傍人多蔬種其中後洪水蕩爲沙洲洲頭

舊有水碓亦久廢今猶呼車碓灘是也

仙人棋枰石 金鏡絕頂為聖嘴石偏左一石形如

棋枰旁有仙池清澈不竭其石湮沒已久永樂間

僧獨照闢草木猶見坐跡宛然

龍潭 在黃楊坪之東潭廣數尺深不可量中有神

物歲旱禱於此則雲立起常時泛溢瀑布萬丈飛

灑橫空如雪如練八景中金鏡晴雪即此郡司農柳文標

詩翠積金鏡勝地偏巧粧六出擁山巔層崖剩有瓊花佈亂石翻疑鷺羽懸瀑引晴光飛萬丈松拖

○寒影人廖千年尋幽不必披茸去只此峩嵒列眼前

思增銀海際浪堆千片玉山腰幻結四時冰幾回對酒搖銀海何日尋源策瘦籐不用梅花長作伴晴

建寧縣志

卷之八 古蹟

五

空掩映
色偏澄

石鳧巖 在金鏡之南麓古為蛇龍猛獸窟宅四面

壁立人跡不到明神廟間有大機禪師自五臺飛

錫於此一夕雷火奔騰山裂一徑長可十丈僅容

一人兩壁插雲劈劃之痕宛然迤邐而入則巖洞

敞然窻壁軒蓋如出鬼工中有石屏石床石凳石

廡位置天成泉飛木抄雲承絕壑其僧人皆鑿壁

懸柱以居踞高矚遠則建泰近屬一目如掌巖後

絕頂為鵝公石每遇晴霽則汀屬諸隣邑亦可指

數焉洵建寧之一小洞天也里人何天風衆壑哀

潭腥今龍乍去影時見燕還來空翠徐中台詩當年誰
苔五丁鎚峭壁千尋小徑開洞裏木魚敲月濕冷空
使石燕拂雲峭壁千尋小徑開洞裏木魚敲月濕冷空
皈依何處重徘徊

越王墓 北鄉朝天嶺高插天半爲江閩分界處越
王無諸嘗遊畋於此因築臺焉故址猶存

雷公山 在上黎安吉二保交界山有石坎常有聲
若雷其後堙塞遂不復有聲

石穴 隆安保石舍山之麓有穴出泉歲豐則涸歉
則溢占之必驗

山水石 楚下保雙旻石之下爲五龍巖石壁雨痕

建寧縣志

卷之八

古蹟

六

宛然山水二字

楚溪洞 五龍巖之西爲楚溪洞深廣不測昔人曾
避亂其中寇以火攻陷之後爲蝥蛇猛獸所宅遂
無有入其中者

楚陽嶂 在楚溪之陽上有古器如瓶盎鑪鈔之類
鄉人墾藝者徃徃得之

試心石 雙旻峰之巔崇隆轟嶽一石方平如盤履
之摇摇靡定

塔 在高家嶺北關水口

建邑山環水繞形勢完固形家謂邑城下關當使

文峯律起以鑰地靈明天啓四年甲子邑令王都
修建聯雲橋橋垂成衆請建塔于高家嶺公許之
乃括公羨若干命庠生李萬林董其事時山麓有
墳塚者不欲塔踞山巔陰屬移造於平衍處而小
其規址邑人惜之若移建山巔以豎天外之文峯
則深有望于後之邑大夫王子舊志
練江亭 在縣南青山上舊有陳了翁書額久廢今
爲甯氏別墅
環綠亭 在北城上揖西北諸山之秀宋令宋秉孫
建久廢

建寧縣志

卷之八

古蹟

七

野渡橫舟亭 在舊鳳山驛後宋時建後因築城撤
其地

跨鰲亭 宋時建在東山鳳鳴閣之西久廢

頰灘亭 在跨鰲亭之西亭畔長松参天爲邑令胡
士龍伐去亭亦廢

印心亭 迎薰門外蓆帽峯頂爲通覺禪林亭峙其
左俯瞰城闈溪環若帶烟雲平楚朝昏異狀爲遊
觀最佳處今故址猶存邑人廖賓賢詩高亭虛敞
四無隣仄徑幽通已絕塵

放眼煙消千嶂合
蒼蒼平楚萬家春

斗角亭 何潭之上勢若斗角岸壁峭立宋淳祐間

邑令廖邦傑建亭其上後圯

雨我亭 縣北青雲嶺上嘉靖間邑令江一桂禱雨
輒應百姓構亭以志不忘南豐李萬實有記今不
存

複道亭 在顯武坊五忠廟前明正統間建

四拜亭 在縣南濰濱宋時建

止戈亭 在縣西教場內

拜香亭 在鳳山

尊恩亭 在縣北休谷 以上俱久廢無考

江月亭 在溪東觀之右瀕溪爲亭頗爲遊觀之勝

建寧縣志

卷之八

古蹟

八

今故址猶存

清暉閣 在儒學前宋時建即今水門城上

平遠閣 在濰溪上今不可考

來儀閣 在鳳山曾有異人過此留題云來到名山

覓鳳皇誰知別有好思量一瓢挂杖無人識又逐

閒雲過海香

凌虛閣 在迎釐觀今圯

濬川閣 在縣治東舊名圓應宋淳祐間邑令廖邦

傑改後名今廢

鳳鳴閣 在東山巔明天啓五年邑令王都與文昌

閣一時同建以形家言利於邑治儒學後果驗歷
久頽廢登臨者惜之今乾隆間衆捐復建

玉皇閣 在鳳翼山庵之左久廢

水明樓 在縣治北

霸王樓 在縣西教場內 俱廢無考

得閒堂 在縣廳後宋時建訥齋游孝嚴有記不存

安靜堂 在縣廳左宋尉趙希駿建有記不存

敷教堂 在儒學泮池前久廢

濉陽古刹 在城南迎薰門內屢經兵燹今古額石

門尙存

建寧縣志

卷之八

古蹟

九

龍興寺 在城北隅五代梁龍德二年建至 國朝

乾隆十四年十月燬今新建一前殿

金饒八景 金饒之麓梁龍德間建佛寺有白蓮池

紅芍圃虎溪橋蟾窟井龍鱗松鉄線梅翠蒲澗白

玉峰諸勝今寺既頽敗八景荒湮無復存者

東山梵宇 在東山上後改爲書院今亦廢 邑令何孟倫詩

巋然古刹雲林杪門栽松檜參差繞紆曲旁通上
界幽岩堯屹峙灘東表紅塵不到梵宮高安禪老

納閉關牢乘閒我有登山
履何日重期一醉邀

龍坪寺 在饒山黃楊坪久廢故址僅存

溪東觀 邑治東北爲玄真山其巔平坦遇歲旱邑

人禱雨於此觀在其山下祀真武後圯今改建玄帝廟

附坵墓

唐

觀察使陳巖墓 舊志載在邑治西大嶺天仙岩之麓

朱曲廬曰觀察之墓豈無豐碑以表者今且覓片碣不得何哉通鑑載王潮素服葬公厚恤其家且以己女妻其子延晦是岩葬福州無疑也康熙四十三年有邨農持巖墓石求售閩縣廣文林侗得

建寧縣志

卷之八

古蹟

十

之知爲巖墓率諸生陳祈廣等以表章舊墓請於制府事格不行至康熙六十年李範等始克修之歸石於礦不知何人謬傳墓在建邑一統志閩志皆因而不改夫以邑人志邑事且然推之天下州郡之志秉承訛襲舛者多矣

按舊志與通志所載迥別曲廬辨之當矣第古來名賢子孫散處徃徃有殮衣冠而葬者故墓不一處建寧爲巖故里或死而歸葬世遠年湮碑碣荒失亦未可知姑兩存之

五代宋

鎮將謝望墓 夫婦合葬在縣署後葛藤窠是爲謝氏始遷祖

招討使謝彥斌墓 勅葬葛藤窠

宋

縣尉謝近古墓 在縣東黃洲近古建州人尉茲邑卒於官貧不能歸櫬因葬於此

吏部侍郎俞豐墓 在水南貞節坊謝宅屋後

進士張汝明墓

通直郎張敦義墓

司理邱哲墓

以上三人俱載府志不志葬所存之以俟攷

建寧縣志

卷之八

古蹟

十一

贈宣奉大夫謝調墓 在南門外水車嶺謝家窠

大常少卿謝黻墓 在淨安保西隱寺後

司農少卿謝皓墓 在北門外般若橋涼傘坑楓樹

窠

明

戶部主事吳琬墓 在縣南長吉保羊角源

吏部員外余隆墓 在縣北鳳山坑

戶部員外郎黃原昌墓 在楚溪

監察御史張誠墓 在富田保社園下

義士陳順墓 在鏡村水西梘下橋頭傍有祠今廢

義士甯宗佩墓 在縣西大嶺後

乳源知縣陳綬墓 在排前保楊坑

工部主事吳綱墓 在南關外瀾頭岬

石阡知府余志墓 在都下保汪家舖

寧波府同知徐大紳墓 在水東彭家窠月形地祖

墳旁

戶部主事李春熙墓 在西鄉高圳居民屋後

揚州推官李寧墓 在縣北鳳山坑

孝廉李秉絙墓 在縣南石椒坑

鄭州知州余靖墓 在上查保楊田磔

建寧縣志

卷之八

古蹟

十二

桂林府通判余春墓 在里心保墓岡山

泉州府訓導余鏃墓 在上查保三元岬

分水縣丞署縣事湯恭墉 在長吉保渭村

贈奉直大夫余仲榮墓 在里心保河泊坑

國朝

本學教諭石砥中墓 在水東楓樹嶺牛形地其男

及媳附厝砥中字璧洙龍溪人崇禎丙子舉人順

治六年爲建邑教諭卒于官男庠生字蟬谷媳黃

氏相繼而歿柩停于署至康熙九年八月邑庠徐

大英捐貲卜葬於此

邑侯溫光涵墓 父子同葬在里心保官路上乾隆二十二年里人余黃江曾廖陳合十甲重修

邑侯趙承燠墓 父子同葬在核桃峯

進士余敏紳貞節張孺人墓 夫婦合葬水東彭家窠

烈婦葉氏墓 在南關外瀾頭嶺葉氏夫庠生張祈祈父張可仰爲本學教諭祈病卒葉氏不食而死夫婦合葬于此 入祀風教祠

附詩妓景翩翩墓 翩翩明詩妓也本盱江人小字三昧名傾一時有十二金釵第一人之目誤歸綏

建寧縣志

卷之八

古蹟

十三

江丁某嘗作紅榴紀夢詩有無端角枕上薄命訴蛾眉之句生平詩歌甚多見於明詩歸歷朝詩選錢牧齋有小傳其墓在東郊水月觀之左康熙間復爲丁後裔別售其穴而遷其骨於他處

邑令燠詩檀

才名異代詩千首艷骨荒原土一坏共約春郊貞斷碣誰知夜壑報移舟錢塘蘓小題應徧虎阜貞娘人廖不必亨詩有潯陽江上婦誰逢白鬢消魂失州一

坏去矣松楸成莽路悲哉夜月瑤臺空悵望求仙

不早愧蘇州